

2017 йил — Халқ билан мулоқот ва инсон манфаатлари йили

O'zingi angli!

HURRIYAT

Mustaqil gazeta

2016-yil 28-dekabr, chorshanba

№ 52 (1010)

1996-yil dekabrden chiqqan boshlagan

Elektron manzil: info@uzhurriyat.uz

www.hurriyat.uz

ЧОРШАНБАДАН ЧОРШАНБАГАЧА

23 декабрь куни Ўзбекистон Республикаси Президенти Шавкат Мирзиёев Қозоғистон Республикаси ташқи ишлар вазири Ерлан Идрисовни қабул қилди.

24 декабрь куни Қирғизистон Республикаси Президенти Алмазбек Атамбоев юртимизга ташриф буюрди.

Ўзбекистон Республикаси Президентининг "Г.Мельниковага "Ўзбекистон Республикаси Халқ артисти" фахрий унвонини бериш тўғрисида" - ги Фармони матбуотда эълон қилинди.

БМТ халқаро ҳамжамиятни Ўзбекистондаги Президент сайловининг яқунлари билан таништирди. Сайлов яқунлари ҳақидаги маълумот БМТнинг олти расмий тилида тарқатилди.

Ўзбекистон Республикасининг "Кексалар, ногиронлар ва аҳолининг бошқа ижтимоий эҳтиёжманд тоифалари учун ижтимоий хизматлар тўғрисида"ги қонуни матбуотда эълон қилинди.

Ўзбекистон Республикасининг "Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги қонуни матбуотда эълон қилинди.



"HURRIYAT" газетаси Ўзбекистон ҳаво йуллари миллий авиаконкомпанияси самолётларида ҳам йўловчиларнинг доимий ҳамроҳи.



БАЙРАМ ШОДИЁНАЛАРИ



УшА олган сурашлар

Янги йилни бутун дунё халқлари ўзгача шукуҳ билан қаршилайди. Жумладан, мамлакатимиздаги барча шаҳар ва қишлоқларда, чекка ҳудудлари олис овулларгача — барида ушбу айём олдидан қизгин тайёргарлик ишлари олиб борилмоқда.

Юртдошларимиз хонадонларидаги хотиржамлик ва кўтаринки кайфиятни кўриб эса кўз қувонади. Ўз ҳаётидан мамнун кишилар чехрасида хуррамлик ва қувонч, хорражлик меҳмонлар кўзларида ҳайрат ва ҳавас порлайди. Зотан, осойишта ҳаётни, аввало, ўзаро аҳил-иноқ, яхши кунларини баҳамжиҳат ўтказётган

инсонлар дийрида топасиз. Тинч ва фаровон юртга байрамлар ярашиши ҳам асли шундан. Камалакранг чироқлар, заррин безаклар билан ясалган арчалару зеб берилган шаҳар қиёфаси юртимиз бўйлаб яқинлашаётган байрам шукуҳидан нишонлади.

— Қай бир гўшага борманг, кўркам безатилган арча атрофида шўх-шодон ўйнаётган болажонларга кўзингиз тушади. —



ҚАЛЪЛАРДА АЙЁМ ШУКУҲИ

лейди бухоролик юртдошимиз Аваз Муродов. — Мен ҳам ҳар йили фарзандларимни байрам сайлларига олиб чиқишга оdatланганман. Уша кунлари уларнинг кўзида порлаган қувончни кўриб, ўзим ҳам беҳад бахтиёр бўламан. Тинч, осойишта юртимиз жамоли болажонларимизнинг шод қийқириқларига кўз тегмасин.

"Анҳор-Локомотив" истироҳат боғи томон йўлингиз тушса, байрамонга безатилган йўлнинг ўзиёқ сизни сеҳрли оламга олиб кирди гўё. Сабаби, бу йил "байрамнинг бош арча"си айнан мана шу майдонда ўрнатилган. Бундан ташқари, саҳна, савдо ва овқатланган шаҳобчалари, болажонлар учун аттракционлар бунёд этил-

ган мазкур майдонда узоқ-яқиндан ташриф буюрувчиларга байрамонга кайфият улашиш мақсадида янги театрлаштирилган дастурлар устида иш олиб борилмоқда.

Ҳозирламоқ маланият масканлари, туман марказларига ўрнатилган арча атрофи томошабинлар билан гавжум. Аслида, бу айём эзгулик, биродарлик, меҳр-оқибат сайлига айланади улгурган. "Туркистон" саройида ўтказилаётган "Меҳрибонлик" уйлари, кам ташминланган ва қўп болали оилаларнинг фарзандлари таклиф этиладиган анъанавий "Президент арчаси" ҳам сўзимиз исботи, шундай эмасми?! Ёки ёлдан шеърини айтиб, Қорбобо ва Қорқиздан совға олган болакай-

нинг мурғак қалбига ушбу байрам бир умрлик хотираларни муҳрлаши-чи?..

Эртақмонанд безатилган майдонда болаларнинг шодон кулгиси янграйди. Ясалган арчага термулган қизалоқ эртақлар оламига тўшиб қолгандек ҳис этади ўзини.

— Янги йил мен учун энг сеvimли байрам. Ушбу айём жуда завқли ўятапти. Кеча ойим билан Ўзбекистон қўғирчоқ театрига "Қор маликаси" томошасини кўргани бордик. Бутун эса оилавий арчани томоша қилгани келдик, — дейди тўққиз ёшли Мафтуна. — Расталардан турли ширинликлар, ўйинчоқлар харид қилдик.

БУНЁДКОРЛИК

ЯНГИ МАКТАБДА ЯНГИ ЙИЛ БАЙРАМИ

Жиззах шаҳридаги 2-болалар музика ва санъат мактаби жамоаси Янги йил байрамини янги мактабда кутиб олмоқда.

Мамлакатимизда навқирон авлоднинг пухта билим олиши учун замонавий шароит яратиш, истеъдодли ёшларни кашф этиш, уларнинг интилиш ва ташаббусларини қўллаб-қувватлашга алоҳида эътибор қаратилмоқда.

Замонавий архитектура ва шаҳарсозлик талаблари асосида қад ростилаган музика ва санъат мактабида фортепьяно, миллий ва замонавий чолғу асбоблари, анъанавий хонадаллик, хореография, эстрада, тасвирий ва амалий санъат йўналишлари бўйича алоҳида

синф хоналар, 200 ўринли замонавий концерт зали, кутубхона, тиббиёт хонаси барпо этилди.

— Тўққиз йўналиш бўйича замонавий таълим-тарбия берилаётган мактабимиз ўқувчилари орасида мамлакат ва нуфузли халқаро кўриктанловлар совриндорлари кўп, — дейди мактаб директори Дилором Расулова. — Масалан, 2015 йили Москвада ўтказилган ёшлар ўртасидаги халқаро танловда икки ўқувчимиз — фортепьянода Мактуба Қобилова, дутор ижрочилиги бўйича Малика

Илҳомова совриндорлар қаторидан жой олди. Яратилган шароит ва қулайликлар ўқувчиларимизнинг истеъдод ва маҳоратини янада оширишга, миллий санъатимиз равнақиға муносиб ҳисса қўшадиган инсонлар бўлиб камол топишига хизмат қилади.

Шу кунги музика ва санъат мактабида "Янги мактабда Янги йил" деб номланган байрам тадбири ўтказилди. Унда иштирок этган ота-оналар давлатимиз томонидан яратиб берилаётган шароитлар туфайли фарзандлари санъат соҳасида катта ютуқларга эришаётганидан фахрланишини таъкидлади.

Т.БЕКНАЗАРОВ, УшА мухбири

Ҳуррамти муштарийлар,

2017 йил учун "HURRIYAT" газетасига обуна ишлари давом этмоқда. Газетамизга обуна бўлолмаганлар эса уни савдо дўконларидан харид қилишлари мумкин.

Ўқинг, баҳра олинг ва уни ҳамроҳларингизга ҳам ҳада этинг. Бундан ташқари, "Hurriyat" да чоп этилган материаллар билан www.hurriyat.uz сайти орқали ҳам танишишингиз мумкин.

"HURRIYAT" ГАЗЕТАСИ СИЗНИНГ ДОИМИЙ ҲАМРОҲИНГИЗ БЎЛИШИГА ИШОНАМИЗ!



ҚАРОР ВА ИЖРО



ЯНГИ ЙИЛНИ УЙДА КУТАМИЗ

Фарғоналик Саидолим Иброҳимов хонадони учун 2016 йил омадли бўлди. Бу ёш оила Фарғона туманида янгиланган намунавий лойиҳалар асосида қад ростилаган замонавий ва арзон уй-жойлардан бирининг соҳибига айланди.

— Фаровон яшаш учун барча шароитлар муҳайё этилган уйга кўчиб ўтганимдан бахтиёримиз, янги йилни янги уйда кутиб оламиз, — дейди С.Иброҳимов. — Ёш оилалар имконияти ҳисобга олиниб, имтиёзли кредит ва бошқа имкони-

ятлар яратилаётгани мамлакатимизда аҳоли фаровонлигини юксалтириш, айниқса, ёш оилаларга муносиб турмуш шароити яратиш, инсон манфаатларини таъминлашга қаратилган доимий эътибор инфодасилар.



ТЕМИРЎЛЧИЛАР ВА ТРАНСПОРТ ҚУРУВЧИЛАРИ КАСАБА УЮШМАСИ РЕСПУБЛИКА КЕНГАШИ ЖАМОАСИ

*Халқимизни, шу жумладан,
соҳа ходимларини янги
2017 йил — Халқ билан мулоқот ва
инсон манфаатлари йили билан
самимий муборакбод этади.*

*Барғангизга Ватанимизнинг
янада гуллаб-яшнаши йўлидаги эзгу
ишларингизда муваффақият,
ўзингизга мустақкам соғлиқ ва
омад ёр бўлишини пилаймиз!*

*Янги 2017 йил юртимизга
бахт-саодат олиб келсин!*



АЖДОДЛАР МЕРОСИ ҚАДР ТОПГАН ЮРТ

► БЕБАҲО ХАЗИНА

Истиқлол миллий ва диний кадриятларимиз тикланишига кенг йўл очди. Биринчи Президентимиз Ислоҳ Каримов ташаббуси ва раҳнамолигида диний байрамлар тикланди, муқаддас жойлар обод этилди. Ислоҳ оламида ном қозонган буюк аждодларимизнинг бебаҳо асарлари она тилимизга таржима қилинди.

Юртимизда яшаб, илм-фан, маданият ривожига қатта ҳисса қўшган кўп аллоҳларнинг таваллуд айёмлари кенг нишонланиб, уларнинг хокипоклари кўним топган гўшалар муқаддас зиёратгоҳларга айланган. Улуғ бобоқалонларимизнинг илмий мерослари талқин этилиб, улардан ёш авлод тарбиясида унумли фойдаланиб келинмоқда.

Бундан ташқари кўп аллоҳларимизнинг фаолият бошлади. Булар пойтахтимиздаги Тошкент ислоҳ институтини, «Кўчалдош» ва «Халичаи Кубро», Китоб шайхидин Розий», Нукусдаги «Муҳаммад ал-Беруний», Бухородаги «Мир Араб» ва «Жўйбори қалон» билим юртиларидир. Шунингдек, 1999 йили Тошкент Ислоҳ Университети ташкил этилиб, бу олий таълим муассасида талабаларга диний ва дунёвий билимлардан сабоқ берилмоқда.

Ислоҳ оламидаги энг нуфузли ташкилотлардан бири — ISECO Тошкент шаҳрига 2007 йилда Ислоҳ маданиятининг пойтахти мақомини бергани бу улғ ва хайрли ишларга жаҳон ҳамжамиятининг ўзига хос эътирофи бўлди.

Шу йилнинг 18-19 октябр кунлари Тошкентда бўлиб ўтган Ислоҳ ҳамкорлик ташкилоти Ташқи ишлар вазирлари кенгашининг 43-сессиясида ҳам айни шу жиҳатлар ўз аксини топди. «Таълим ва маърифат — тинчлик ва бунёдкорлик сари йўл» шiori остида бўлиб ўтган сессияда ёшларда илм-фанга ҳамда таълим олишга интилиш туйғусини қучайтириш, барча жамиятларда ислоҳ кадриятлари ва маданиятини тўғри ағлаш ҳамда қабул қилиш, дунё халқларига ислоҳ динининг ҳақиқий мазмун-моҳиятини етказишга оид масалаларга алоҳида эътибор қаратилди. Сессияда таъкидланганидек, айнан таълим ва маърифат башарият фаровонлигининг асосий омилларидан ҳисобланади, инсонларни эзгуликка даъват этади, саховатли, сабр-қаноатли бўлишга ундайди. Муқаддас

ислоҳ динимиз бизга айнан шуни ўргатади.

Ислоҳ оламида Пайгамбаримиз Муҳаммад алайҳиссалом ҳадислари тўпламининг ишончли маъна деб эътироф этилган «Ал-жомий ас-саҳиҳ» тўплами «Барча муҳаддислар устози» бўлмиш Имом Бухорийнинг кўп йиллик фидокорона изланишлари самарасидир. Ун икки асрдирки, ушбу асар аҳамиятига кўра, муқаддас Куръондан кейин ислоҳ дини ҳақидаги иккинчи ишончли ёзма маъна бўлиб қолмоқда. Айнан шу асарнинг янги мукамал китоблари нашр этилди. Бу эса ўз навбатида халқимиз маънавиятини ўсишида муҳим омил бўлаётди.

Дарҳақиқат, ҳар қандай эзгу ният ва мақсадни амалга ошириш, аввало, жамиятдаги мустақкам тинчлик ва хотиржамлик билан таълим тарбияга боғлиқ. Ҳозир дунёнинг айрим мамлакатларида сиёсий беқарорлик ҳужм сураётган бўлса, бошқа бир улқаларда терроризм, миллат танламас ҳуружлар халқаро хавфсизликка таҳдид солмоқда. Бу уларнинг маънавиятига, маданиятига пугур етганидир. Шукрлар бўлсинки, юртимизда илм-фан равнақ топиб элимиз тинч-фаровон ҳаёт қеирмоқда. Бунинг омилли истиклолимиз ва тўғри йўл танлаганимиз шарофатидандир.

**Раҳматуллоҳ САЙФУДДИНОВ,
Юнусобод тумани бош имом-хатиби,
Тошкент Ислоҳ институтини ўқитувчиси,
«Мирза Юсуф» жоме масжиди имом-хатиби**

► УЛУҒЛАР САБОҒИ

Салтанат тонги ёриша бошлаган пайтларда Соҳибқирон Султон шоҳлик белгиларига эга бўлган Амирни амирлик девонига муҳр босувчилик лавозимига таклиф қилдилар. Ул Ҳазрат ўзларининг нури кўнгилларида ушбу мансабда ишлашга майл йўқлиги сабабли шундай дедилар:

МУҲР ВОҚЕАСИ

— Мен ҳозир сизнинг ноибларингиз ва ичкиларингиз жумласидан ҳисобланаман. Удумга рия қилмасдан барча амирлардан тўрада ўтираман. Агар амирлик лавозимини қабул қилиб оладиган бўлсам, Тўра қондаларига кўра, барлос уруғининг катталари мендан тўрага ўтиб кетишларига тўғри келади. Шу жиҳатдан ушбу мансаб меннинг маъқемидан паст ҳисобланади. Марҳамат кўргизиб мени муҳр босувчилик лавозимидан қутқаришингизни умид қиламан. Токим кўнгилни хотиржам қилиб, ўз хизматимни адо этишда давом этсам.

Дўстларни ардоқловчи Соҳибқирон шундай жавоб берди:

— Сизнинг қобилиятингиз қоматини амирлик тўни билан беамаслигим мумкин эмас. Ушбу лавозимни қабул қилиб оладиган бўлсам, барлос уруғининг амирлари мендан тўрага ўтиб кетишади, деган гапингиз эса ҳақиқатга тўғри келмайди. Чунки мен, Султон Бадиуззамон Мирзодан ташқари, амирлардан бирор кишининг сиздан тўрада ўтирмаслиги тўғрисида фармон чиқараман. Фақатгина, агар хоҳласангиз, сиз билан яқинлик ва дўстлик муносабатига бўлганликдан гапирувчи Амир Музаффар Барлосга сиздан олдин муҳр босишига рухсат берсангиз. Янаям ихтиёр ўзингизда.

Шундай қилиб, Ҳазрати Султоннинг яқин кишиси бўлган ул олий ҳазрат жаҳондорлик биноси қурувчисининг илтимосини қабул қилганларидан сўнг, ул ҳазрат билан Амир Саййид Ҳасан Арда-

шер бир кунда жубба ва кулоҳи наврўзий кийиб, муҳрдорлик ишига киришдилари тўғрисида қарор қилинди.

Барчанин хайлида, муборак фармонга мувофиқ тадбирли ва доно Амир барча амирлардан юқорига муҳр босади деган ўй айланарди. Бироқ ўша кунни олатта кўра ул ҳазратнинг олдиларига қўтлуг лаҳзада муҳр бостириш учун бир фармонни олиб келдилар. [Ул ҳазрат] фармонни ўзларидан олдин муҳр босиши учун аввал Амир Саййид Ҳасан Ардашерга беришларини буюрдилар. Амир Саййид Ҳасан ҳам [ўзининг ул Ҳазратга бўлган] ҳурматини изҳор этиш маъносидан фармонни яна қайтадан шох сифатли Амирнинг олдида юборди. Шунда ул ҳазрат қоғозни олиб, ўта камтарлик ва хокисорлик юзасидан шундай бир жойга муҳр босдиларки, бирор киши ундан қуйроққа муҳр боса олмасди. Амир Саййид Ҳасан бу ҳолатни кўриб хижолатда қолди, бошқалар эса амирлик йиғинларининг тўрида ўтирувчи бу зотнинг бунчалик камтарлигидан ҳайрат денгизига фарқ бўлдилар ва қуйидаги сўзлар орқали баён этилган маънонинг моҳиятини қуйлашга тушдилар.

Байт:
Минглаб тасвир солса-да тақдир,
бирок қўрчмас
Бирортаси бизларнинг тасаввур
кўзгумизда.

(Хондамирнинг «Мақоримул-ахлоқ» китобидан)

ЭЙ, ДЎСТ, ҚУЛОҚ ТУТИНГ...

Ҳақиқат мужмалликни ёқтирмайди.

Ҳақиқатни излашдаги энг муҳим ишлардан бири — юзакки мулоҳазаларни топиш ва улардан дарҳол воз кечишдир.

Оқил одам кишининг биллагига эмас, юрагига боқади.

Ўйлаганимиз ҳамisha тўғридек туюлади.

Керакли гап қисқа бўлади.

Бирдан жимлик чўкди — суҳбатдошлар билганлари ҳақида гапириб бўлдилар.

Муҳаммад ТОШБОЛТАЕВ,
профессор

Тошкент шаҳар Шайхонтоҳур тумани Ўқчи кўчаси 107 а, 3 корпус, 5 хонадонга тегишли уй плани йўқолганлиги сабабли **БЕКОР ҚИЛИНАДИ**

“Хуррият” газетаси жамоаси газета собик ходими

Отабек ОТАЁРОВнинг вафоти муносабати билан марҳумнинг оила аъзоларига чуқур таъзия изҳор этади.